

ERA GARBÈRA

Revista entà mainatges e mainades · Num. 56 · An 2016 · 4€





Muuú. Veigui que tornes a pintar


Òc, en iuèrn ei çò que mès m'agrade hèr.

Vos hèr de modèl?

Jo?




2 ores dempús




Te manque guaire?



Lèu ei prèst.




7
ores
dempús



Ja è
acabat.

Qué te
semble?



ACO ERE E NON ERE

CAMACUC

PER JOAN ESCRIVA

Camacuc volaue peth dessús dera ciutat damb eth sòn avion de papèr. Li agradaue sénter eth vent. A viatges anaue mès rapid e hège ua cabiròla damb eth sòn avion.

Camacuc a fòrça peu. Lo pòrte long, e ei de color ròi e iranja. Tostemp va damb un vestit auriò qu'ei decorat damb creuetes de color nere. Es braci les a fòrça primi, atau coma es cames. E era sua cara ei dera color dera nhèu.

Subitaments ve a un grop de cigonhes que volauen en forma de be. Camacuc volèc enquia meter-se ara nautada dera prumèra cigonha e didec...

-Òla cigonha? Me diden Camacuc. Per qué volatz damb forma de be? -Li preguntèc.

-Bufff... -Guelsèc era cigonha, qu'ère fòrça cansada. -Pr'amor qu'atau era prumèra hè de guida, e era rèsta la seguim.

-Òsca! -S'estonèc Camacuc. -Deu èster fòrça cansat volar sense avion, vertat?

-Fòrça! -Didec era cigonha. -Ara madeish sò tan cansada que dormiria ua setmana entièra...

Camacuc vedec que totes es cigonhes èren fòrça cansades e auien fòrça heired. Atau ei que pensèc a concedir-les un desir.

-Escotatz cigonhes, -les didec- se desiratz quauquarren damb fòrça, e m'ac demanatz, harè qu'eth vòste desir se hèsque realitat!

-Uao! -Didec ua.

-De vertat? -Preguntèc ua auta.

-Quinsevolh causa? -Preguntèc ua des que volaue pera fin.

-Òc! -Didec Camacuc. -Quinsevolh causa que desiretz!

Es cigonhes s'amassèren en assemblada e dempús de discutí'c decidiren...

-Volem ues giquetes damb motor entà poder volar sense bàter es ales ne passar heired! -Didec era cigonha pòrtavotz.

Camacuc se metec de puntetes sus eth sòn avion, hec un petit saut, e des sues mans gesserren dues estèles de color blu e verd que se dirigiren cap as audèths. Es estèles toquèren a cadua des cigonhes, e per



art de magia, se trobèren cadua damb ua giqueta plan caudeta damb un motor incorporat.

-Uao!!! -Didec era cigonha d'abans.

-Que caudeta qu'ei aguesta giqueta! -Didec ua auta.

-Damb aquest motor podem volar sense espisar-mos!

-Didec ua des que volaue pera fin.

Camacuc se demorèc ua estona en tot guardar coma es cigonhes s'aluenhauen, damb es giquetes damb motor, en tot volar damb forma de be.

Mès tard volèc enquiara ciutat. E quan passèc per dessús dera escòla escotèc un plor.

-Buaaaaa!!! -Ploraue un mainatge.

-Per qué plores mainatge? -Preguntèc Camacuc.

-Pr'amor que s'a des-holat era pilòta!!! Buaaaaa!!!

-Non plores mès mainatge! -Li didec Camacuc. - Se

desires damb fôrça qu'era pilòta se torne a holar, jo ac harè realitat!

Eth mainatge lo guardèc un shinhau incredul. Demorèc uns segons abans de decidir-se e li didec.

-Voi qu'era pilòta se torne a holar!

Alavetz Camacuc se metec de puntetes, hec un petit saut, e des sues mans gessec ua estèla de color auriò que toquèc era pilòta. "Buf!" E era pilòta ja ère holada!

-Ahhhhh!!! -Se meravilhèc eth mainatge. -Fôrça gràcies!

Subitament toti es mainatges e mainades deth pati qu'auien vist çò qu'auie passat s'arrepleguèren ath sòn torn.

-Jo tanben! Jo tanben! -Didien toti. Toti volien demandar un desir.

Ath principi Camacuc non sabie qué hèr. Toti volien un desir. Non serie massa? Li demorarien fôrces entà concedir-les toti? Serie perilhós?

-Ben! -Didec Camacuc -Mès d'un en un! A veir qué vòs tu?

-Jo voi banhar-me!

-E jo jogar damb es animaus!


-Jo voi volar peth pati!

-Jo voi èster un vampir!

E atau toti demanèren un desir.

Camacuc se metec de puntetes, hec un petit saut e des sues mans gesserent cent estèles de colors que toquèren a toti es mainatges. Per art de magia eth pati dera escòla semblaue ua hèsta! Ena pista de basquetbòl i auie ua piscina. Ath costat passejauen tota sòrta d'animaus e es mainatges jogauen damb eri. Uns mainatges volauen peth pati, e uns auti èren uns vampirs. Tanben i auie qui anaue damb un vaishèth pirata, e d'auti que jogauen damb es supereròis.

Camacuc se demorèc ua estona en tot guardar com toti jogauen e s'ac passauen de maravilha. Dempús se'n anèc a volar pera ciutat.



REPENSEM


-Se podesses demandar un desir, quin serie?


-Se podesses demandar un desir que non siguesse entà tu, quin serie?

-Se podesses demandar un desir que siguesse entara escòla, quin serie?

PASCALET e COMPANHIA

RAFA REINOSO.





ACTU
ER UNIC FRESC
EI VOSTÈ!

A FÒRÇA
BARRA!

JA
AÇ PÒS
DIDER!

CONCORSI 2016

Participa enes concorsi convocadi peth Conselh Generau d'Aran. Es bases en www.aran.org o ena vòsta escòla. Ací auetz era informacion basica.

XXVI CONCORS LITERARI Mossen Condò Sambeat .

Podetz participar ena categoria de narracion e/o poesia

Nivèu A: estudiants de 5au e 6au

Nivèu B: estudiants de 1èr e 2au d'ESO

Nivèu C: estudiants de 3au e 4au d'ESO.

Prèmis de 175, 125, 100, 75 e 50 €

Es trabalhs s'an de presentar **abans deth 22 d'abriu de 2016** en Conselh Generau




CONCORS DE DIBOISH

Tèma deth concors: Es nòstes afeccions (es causes que mos agrade hèr en nòste temps liure)

Entà mainatges e mainades de 1èr a 6au de primària

Prèmis: estug de pintures e prèmis de 150, 100 e 50 €

Tèrme de presentacion: 15 d'abriu de 2016



CONCORS DE COMIC

Tèma liure
Entà estudiants de 1èr a 4au d'ESO, Bachelierat e Professionau

Prèmis de 200, 150, 100, e 50 €

Tèrme de presentacion: 15 d'abriu de 2016

Es prèmis se liuraràn
era setmana dera Hèsta
d'Aran (17 de junh)

Conselh Generau d'Aran



Damb era colaboracion de : Generalitat de Catalunya
Departament de Cultura i Mitjans de Comunicació
SECRETARIA DE MITJANS DE COMUNICACIÓ.
Damb era colaboracion deth Conselh Generau d'Aran




Diputació de Lleida



**INSTITUT
D'ESTUDIS
ILERDENCs**


Fundació Pública de la Diputació de Lleida



OTÉL





MONSTER






PASSATEMPS

GUAIRI QUARRATS È
LHEUAT ENTÀ PODER
VEIR ERA FIGURA?



ORDENA ES FIGURES
DE MAJOR A
MENDRE.




CERCA ES SÈT DIFERÉNCIES.






COMPLÈTA ETH SUDOKU. NON
SE PÒT REPETIR CAP FIGURA
EN UA MADEISHA HILÈRA,
COLOMNA O REGION.









GAT NINJA e KAMIKAZE PIO

ES NÒSTI AMICS AN TROBAT ERA FABRICA DE PÒRTE DIMENSIONAUS DETH DOLENT SENHOR DES PÒRTE.





¡CAP INDI! Fòrça Memòria.




QUINA TABLET MÈS POLIDA,
EI NAUA?



EI PODERÍETZ ARREBREMBAR-ME
UA CAUSA FÒRÇA IMPORTANTA?



CLAR QU'ÒC,
JO È BONA
MEMÒRIA.
DITZ-MEI!



DONQUES...

ÒC?



MMMM...







AI, CREIGUI QUE SE M'A DESBREMBAT!



JOAN FÒRT DER OÈST

PAU VALLS






TONET E MOSSET



Damb huec

ACIU AUEM A MOSSET EN TOT CERCAR
A TONET, COMA TOSTEMP EN TOT
JOGAR A TOCAR E PARAR.



ÒLA MOSSET. JA
M'AS TROBAT, ARA
SONQUE TE CAU
TOCAR-ME ENTÀ
GUANJAR...



MÈS NON AC AURÀS
FACIL! PR'AMOR QUE
SÒ ETH MESTRE DETH
HUEC!!








AHAHÀ! E ARA
QUÈ? EH?



ARA SÒ JO QUI A ETH
CONTRARÒTLE! NON TE
VOS APROPAR EH?



UP! UN MOMENT QU'ETH
HUEC AVANCE E ME POGUI
CREMAR ERA MAN!



CÒRGELAT

